

LIMPIESA DI COSTA PA HONRA DIA DI TERA



WWW.SOLODIPUEBLO.COM



SOLODIPUEBLO@GMAIL.COM

MIKE EMAN Y DE MEZA TA MENASA CU CORTE SI DE MEZA NO BIRA MINISTER



Problema principal ta si De Meza a "geef aan" na belasting of a ontduik

FRACCION DI MEP CU BISHITA NA STICHTING HUNTO

“Cada hende merece un oportunidad nobo pa asina logra cosnan grandi den nan bida, y ta via Stichting Hunto nos por yega na tur esnan cu ya no ta mira un speransa”



DAMA A WORDO ALCANSA PA AUTO NA SANTA CRUZ



Parlamentario Endy Croes na Jolanda Kock Fuentes:

ENDY NO A FIRMA NADA Y NO POR FIRMA!

Contesta na
Jolanda Kock
Fuentes
di Simeon
Antonio
empleado di
EMCO



SETAR: SKIP THE LINE, BAN ONLINE!

SETAR como compania innovativo y lider den comunidad ta anuncia su campaña "Skip the Line, BAN ONLINE!", promoviendo e comodidad di paga bo cuenta online.

Den un mundo cada biaha mas digital, SETAR ta ofrece bo varios manera di pago bo cuenta online di un manera facil y sigur, for di e comodidad di bo cas y na e momento cu bo ta desea. Asina aki nos ta haci e bida di nos clientenan mas facil y ta evita pa para den rij.

Paga bo cuenta di SETAR online via Pay.aw, SETAR App, nos Self-Service Kiosk, WhatsApp +297 597-9999, Online Banking of Direct Debit y participa

pa gana AWG 250 tur luna cu e campaña "Skip the Line, BAN ONLINE!". E campaña ta valido durante henter aña.

Tur cliente cu paga nan cuenta di SETAR online na un forma digital ta participa automaticamente. Cada 8 di luna, SETAR ta saca 10 ganador cu a paga durante e luna prome.


E ganadornan lo ricibi AWG 250 como credito riba nan account di SETAR. Ganadornan lo ricibi un yamada di SETAR y lo wordo anuncia via nos Social Media.

Nos prome ganadornan pa e luna aki ta R. Krosendijk di Sero Biento, R.

Boekhouder di Alto Vista, M. Arboleda di Tanki Leendert, D. Geerman di Luna, H. Jagershoek di Amsterdamstraat, L. Leslie di Wayaca, Y. Salazar Serrano di Tanki Leendert, L. Maduro-Croes di Aliviostraat, B. Moses di Sero Blanco y C. Ramirez Pillaca di Sero Lopez.

Download e app di Pay.aw of e SETAR App awe mes den Google Play Store of Apple App Store, of si bo ta den un di nos Teleshopnan, haci uzo di e Self-Service Kiosk pa bo participa.

Bo no sa con pa uza nos Apps of Kiosk? Nos representantenan ta cla pa yuda bo! Simplemente



puntra pa asistencia na un Teleshop of contact nos via WhatsApp na +297 597-9999. Den e siman di

due date nos coleganan lo ta para na e Self-Service Kiosk pa asisti cu e pago y informacion.

MIKE EMAN Y DE MEZA TA MENASA CU CORTE SI DE MEZA NO BIRA MINISTER

Problema principal ta si De Meza a "geef aan" na belasting of a ontduik

Minister Presidente Mike Eman a reuni cu Gobernador diaranson riba e situacion fiscal di Mike de Meza y su nombracion como minister. . Durante e encuentro, Eman a entrega na Gobernador un dossier suplementario prepara pa expertonan di belasting di De Meza, cu e proposito di muestra cu Mike de Meza a cumpli cu tur su obligacionnan di belasting.

Extra documentonan Eman a bisa cu un biaha mas a entrega documentonan adicional di expertonan di De Meza pa comparti cu Gobernador, enfatizando cu esaki ta proba cu De Meza a paga su belasting

na tempo y a presenta su declaracionnan manera mester.

E rol di e fiscalistanan Tres fiscalistanan ta involvi den e proceso pa analiza profundo e "fiscalgedrag" di De Meza—si a cumpli of no, si a proporciona tur e informacion pidi y si su pago a wordo haci. Eman a muestra cu e expertonan "a produci hopi documento pa muestra nan inkietud, of pa opone DIMP"

Eman ta menasa hunto cu De Meza pa bay corte Eman a bisa cu e ta opina cu si no bin un solucion pa e asunto, e ora ey lo mester cana caminda

di corte. Cu otro palabra Eman a lansa un menasa fini contra Gobernador di Aruba. Si Gobernador insisti cu De Meza no ta bira minister, e ora ey De Meza por cuminsa un caso na corte. Pero contra ken e caso lo ta? Contra formador, gobernador of Dimp? of contra Minister Geoffrey Wever?

Problema principal ta "Geef aan of no geef aan"

Eman a bisa cu e problema awor ta sinta na e pregunta si De Meza a geef aan of no a geef aan. Solo di Pueblo ta compronde cu e discucion lo ta si el'a entrega su



aangifte of no a entrega aangifte. Si den e aangifte el'a raporta un suma grandi si of no.

Tur esaki ta loke DIMP ta acusa De Meza di a actua immoral contra di belasting.

Pues, nos ta yegando un luna cu Gobierno a huramenta y keto bay nos ta cu e problema di De Meza.

DAMA A WORDO ALCANSA PA AUTO NA SANTA CRUZ



SANT CRUZ - Diamars anochi rond di 8'or varios unidad di polis y 1 ambulance a sali direccion unda antes WEMA tawata situa, un auto lo a alcanza un peaton.

Parse cu na prome instante polisnan cu a yega no por a haya e incidente.

Despues di un rato a bin topa cu un dama, bisti den panja scur sinta na e skina panort di e ex edificio di

WEMA.

Ey parse tawata tin hende cu a pasa eybanda cu lo a duna un man.

Locual a sosode tawata cu e dama lo a baha di bus, y a bay crusa caminda y un auto a pasa dal e y sigui bay, pues un caso di hit&run.

Ambulance a yega basta lihe y mesora Paramediconan a cuminsa duna asistencia. E dama

t a w a t a na tino y por a mira cu apesar di a ricibi agolpi fuerte tawata comunica cu e Paramediconan y

polis. Rato rato por mira cu e dolornan tawata intensifica.

Polis di trafico y polis di Santa Cruz tawata na e

sitio hunto cu Forensys. Paramediconan a opta pa hiba e dama Hospitaal pa asina pasa den algun test mas extenso.



Feliz Dia di Rey, Aruba!

En conexcion cu Dia di Rey nos lo ta cera henter dia ariba Diabierna 25 di april 2025.



Den caso di emergencia por yama libremente nos Storingsdienst na 523-7147.

ARUBA BANK TA ENTREGA AWG 100.000 NA CAS DI CULTURA PA PROYECTO “E BRASA” COMO PARTI DI SU “LEGACY PROJECT” DI 100 AÑA

Oranjestad, Aruba – april 22, 2025 – Den cuadro di su celebracion di 100 aña di existencia, Aruba Bank a entrega un donacion di AWG 100.000 na Cas di Cultura, y alabes aporta na e proyecto di renobacion “E Brasa”, un proyecto innovador cu lo sirbi como nos centro creativo y plataforma pa talento local. E contribucion ta parti di e “Legacy Project” di Aruba Bank, un iniciativa cu ta enfatisa e compromiso di e banco pionero y sosten na e comunidad di Aruba den diferente area, incluyendo educacion, salud, flora y fauna, y cultura.

“E Brasa” ta un idea ambicioso cu lo crea oportunidad pa expresion creativo, formacion y colaboracion entre artista, scol, y miembronan di nos comunidad.

E proyecto lo contribui na fortalecimiento di nos identidad cultural y lo duna un empuhe real na e sector creativo di Aruba.

Sharon Fränkel, Managing



Director di Aruba Bank, a splica:

“Nos ta kere cu pa un comunidad ta fuerte y resiliente, mester tin espacio pa e por florece. Arte y cultura ta forma parti di e curason di un pueblo. Cu e donacion aki,

Aruba Bank ta pone su ‘brasa’ den e sector creativo di nos comunidad.”

Vicky Arens, directora di Cas di Cultura a expresa su gran gratitud pa e aporte y a confirma cu e donacion lo sirbi pa mehora

infraestructura, facilita programanan educativo y realisa e vision creativo cu ta fundamental pa futuro di Cas di Cultura.

Aruba Bank ta invita nos comunidad pa sigui e

desaroyo di e proyecto via Cas di Cultura su plataforma digital y ta pone enfasis riba importancia di sostene e sector cultural como un inversion pa e bienestar di Aruba en general.



Hala un Rosea di alivio!

Debe cu interes halto ta pisa riba bo?

Descubri con nos por yuda bo consolida bo debenan y spar placa!

pa mas informacion subi:
eamigo.com

SCAN ME



Pone mas placa den bo cartera y hala un rosea di alivio!

Tuma contacto cu nos awe mes pa un consulta gratis!



Presta responsabel

E promocion aki ta valido te cu 15 di mei 2025.

Prestamo personal "Alivio!" tin un interes efectivo di 16.00% p.a., mientras cu e duracion ta minimo di 3 aña cu un maximo di 5 aña. Despues di e campaña, e interes efectivo lo bai bek na e porcentahe regular di 16.5% p.a.

Prestamonan cu no ta cumpli cu e requisito minimo di e suma di Afl. 15,000.00 of e termino di pago minimo di 3 aña lo no yega na remarca pa haya e interes efectivo reduci di 16.00% p.a. cu ta parti di e promocion aki.

Clientenan existente mester aplica y wordo aproba pa un minimo di Afl. 10,000.00 na fondonan nobo y cu un termino di pago di minimo 3 aña. Mientras cu e prestamo existente mester ta minimo un aña bieu.

Cada aplicacion, sea ta nobo of existente, lo wordo evalua segun su propio meritonan, y segun normanan y reglanan standard di Caribbean Mercantile Bank N.V.

Condicionnan di empleado no ta aplicable pa e oferta aki.

Un gasto di administracion lo wordo cobra igual na Afl. 165.00 pa e prome aña di e prestamo, y Afl. 140.00 pa cada aña adicional.

Un seguro di riesgo lo wordo cobra igual na 4% di e suma di e prestamo, mas e interes y gasto di administracion cu un maximo di Afl. 900.00.

Den caso cu prestamonan personal wordo cancela prome cu e termino acorda, Caribbean Mercantile Bank N.V. lo no restitui ningun gasto cu a wordo cobra caba (manera pero no limita na gastonan di administracion, seguro di riesgo y refinanciamiento) y ta reserva e derecho di cobra un boet di 3 luna di interes ariba e suma di e suma di pago cu un minimo di Afl. 500.00 depende si cancelacion ta dentro of despues di 6 luna di e fecha cu ricibi e notificacion por escrito.

Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Centro di Bario Noord den colaboracion cu Cede Aruba y Bario Unico ta presenta:

DI 4 EPISODIO DI PROYECTO “NOORDFLIX - BIN CONOCE BO DISTRICTO”



ORANJESTAD - Despues di a exitosamente lansa e proyecto “Noordflix - Bin conoce bo Distrito”

Episodio 1, 2 y 3, Centro di Bario Noord den colaboracion cu Cede Aruba y Bario Unico ta cla pa presenta pueblo di Aruba, episodio number 4.

Mirando cu e distrito di Noord ta un di e districtonan cu mas imigra, Centro di Bario Noord a opta pa bin cu un iniciativa educativo atraves di un serie di charla visual interactivo pa asina tanto e Nortero como esnan cu a emigra cera conoci cu e Historia di Noord y cu e identidad di su hendenan

“Noordflix - Bin conoce bo Distrito” a cuminsa cu su prome Episodio dia 22 di maart 2024 bou di tema “Historia di Noord,” y a wordo presenta pa Sr. Vivianne Vi Frank. Di dos Episodio a tuma lugha dia 26 di april 2024 bou di tema “Identidad di Norteronan,” a conta cu presentacion di Sr. Jovito Tromp, Sra. Titi Tromp, Sr. Marco Christiaans y

Sr. Tommy Figaroa hunto cu Sr. Brito Franken.

Di tres Episodio tabata dia 27 di juni 2024 bou di tema “Noord Ayera, Awe y Mayan” cu a keda corona cu un bunita exposicion presentando di personanan cu a ocupa sea funcionnan of a destaca den ramo di deporte, musica, politica pa Aruba como ciudadanonan di Noord.

Y asina titulo di Season 2, Episodio 4 lo ta “Norteronan Compartiendo pa INSPIRA,” y lo tuma lugha diahuebs awo dia 24 di april na Centro di Bario Noord di 7:00 pm pa 9:00 pm di anochi. Oradornan pa e Episodio binidero lo ta Sr. Lucio Abath, Sra. Frances Figaroa y Sr. Gregorio Wolf.

Bin y comparti pa recorda momentonan historico y enrikece bo conocimiento pa loke ta trata Noord y su hendenan. Centro di Bario Noord, ta encurasha comunidad di Noord, y cualkier ciudadano cu tin amor pa Noord, pa bin asisti e NoordFlix Episodio 4. Pa mas



informacion por tuma Bario Noord via whatsapp email: ligiaplcbn@gmail.com
contacto cu Centro di 5682935 of tambe por via com.

Parlamentario Endy Croes na Jolanda Kock Fuentes:

ENDY NO A FIRMA NADA Y NO POR FIRMA!

Contesta na Jolanda Kock Fuentes di Simeon Antonio empleado di EMCO

Parlamentario Endy Croes a tuma nota cu riba un fecha sagrado manera Daibierna Santo 24 ora a haya ta oportuno pa desvia atencion di e screening di Mike de Meza kende debe 2 miyon na belasting pa lansa un video di sra. Kock Fuentes criticando mi persona sin ningun base.

Sra. Kock Fuentes no tin ningun prueba Barrio di Simeon Antonio ta den un disputa pa cu e Compleho Deportivo Simeon Antonio. Diabierna Santo, riba e dia sagrado aki, 24 ora a scoge pa post un grabacion di sra. Kock Fuentes di Simeon Antonio indicando cu e ciudadano ta cuestiona fixmento di permiso di ex minister di MEP pa cu Compleho Deportivo Simeon Antonio. Un cantidad di acusacionnan falso sin base di Sra Kock Fuentes acusando mi persona. Mi ta lamenta esaki como cu Sra Kock Fuentes ta mal informa. No ta custumber pa reacciona riba ciudadano pero no por laga mentiran asina pasa sin coregi e informacionnan erroneo cu sra. Kock a dicidi di comparti.

Con e cos ta hinca den otro? Di acuerdo cu reglanan di Good Corporate Governance un minister NO POR FIRMA ni mara NINGUN fundacion na cualkier acuerdo. Esaki simplemente no ta posibel! Parlamentario Croes ta splica lo siguiente:

“Mi ta desea di recorda sra. Kock cu desde 18 di october 2024 mi no ta den funcion di minister mas. Si mi tabata Minister mes, manera ya mi a splica caba, mi NO por tuma ningun decision pa un fundacion. Pues mi kier haci'e duidelijk cu no ta existi ningun documento of peticion di mi persona ni tampoco di e minister saliente Dangui Oduber alrespecto e tema aki. Simplemente no tin!”

Parlamentario Croes ta lamenta cu ta scoge pa difundi mentira y ta di opinion cu lo tabata mas na su lugar pa 24 ora dedica su tempo pa educa nos ciudadanonan kendenan kisas no ta compronde reglanan existente di Good Corporate Governance, enbes di hunga cu emocion. Ta weganen politico cu 24 ora ta scoge pa hunga cu emocion di un empleado di EMCO cu ta biba na Simeon Antonio. Por cierto, ken ta doñonan di EMCO? Mike Eman y famia toch? Laga nos recorda pueblo poco storia di EMCO.

Ken ta EMCO? Interbank a presta Henny y Mike Eman 2 miyon florin Henny (def) y Mike Eman a presta 2 miyon florin na Interbank durante aña 1997 esta aña di eleccion malusando nan poder. Banco a presta rumannan Eman 2 miyon na 0% di interes pa EMCO no bati bancarota. Alabes a uza parti di e placa aki pa print miles di tshirt y artefactonan di AVP pa



core campaña. Di acuerdo cu e rapport (cual nos lo publica den un siguiente articulo) 3 ruman Eman a para hasta garantia “akte van garantie J.H.A Eman en G.M. Eman en A.C.Eman” uzando varios triki pa cu nan status como cu nan tabata den gobierno na e momento ey. Asina e ta describi den e rapport di investigacion. Na 2001 MEP a drenta gobierno y e fiesta a caba. Rapport a prueba cu Henny y Mike Eman nunca mas a paga nan debe na Interbank. Dia 4 di October 2004 EMCO Productions N.V. di famia Eman a wordo oficialmente declara bancarota. Na e betalingsgedrag den dicho rapport por tuma nota di un kenmerk “Betalingsgedrag”: NOOIT AFLOSSINGEN VERRICHT. Bay ta sinberguensa! Algun frasenan di e rapport aki Den e rapport di e investigacion cu a tuma

lugar den Interbank ta cuestiona formalmente e hecho di a presta Henny Eman (def) y Mike Eman tanto placa sin garantia. Tambe a cuestiona fuertemente cu a presta rumannan Eman 2 miyon na 0% di interes. Only in Aruba! Management di Interbank a declara: “De lening was afgegeven onder garantie van Henny Eman en Mike Eman. Interbank wou executeren op deze persoonlijke garantie, echter zou persoonlijk faillissement van Henny Eman betekenen, waardoor deze zich niet verkiesbaar zou kunnen stellen”. Pues pa Henny cu Mike Eman Banco a tene clemencia sino Henny no por regresa riba lista pa eleccion, pero pa e hombernan chikito sin piedad a crusificanan. Rapport ta sigui splica “Ze hebben een deal gemaakt om via Interbank te herfinancieren tegen 0% zonder zekerheden. Het pand waar nieuwe EMCO

inzit is van oud notaris Eman en valt buiten het faillissement van de EMCO”. Triki tras di triki. E edificio di EMCO nobo ta riba number di e ruman Notaris Eman y ta cay pafor di e faillissement. Pues na mas cu 1 ocasion EMCO a bati bancarota y asina mes Henny (def) y Mike Eman ta get away with the murder. Otro parti di e rapport ta splica “EMCO werd destijds tesamen met SAVEM gefinancierd onder borgtocht van de heer Jan (Henny) Hendrik Eman.” Pues semper Henny y Mike Eman a deal cu nan negoshinan malusando nan poder y contactonan politico pa presta sumanan miyonario cu despues tabata wordo hinca den campaña di AVP. Pues na Sra.Kock Fuentes empleado di EMCO esaki ta poco di e historia di e compania EMCO, no laga bo emocionnan dominabo. Corda cu semper ta bon pa busca e berdad!

UN STREA NOBO PA ARUBA: CHEF MICHELIN JEREMY FORD TA UNI SU TALENTO CU UN DI E MIHO HOTELNAN DI MUNDO PA REDEFINI E EXPERIENCIA CULINARIO CARIBEÑO



EAGLE BEACH, Aruba – April 23, 2025 - Pa prome biaha, Aruba lo yama bon bini na un restaurant dirigi pa un Chef cu Strea Michelin, aki mes na un di e miho hotelnan na mundo, Bucuti & Tara Beach Resort, Aruba. Den zomer di 2025, Terra by Jeremy Ford lo habri su porta pa introduci un era nobo den gastronomia Caribeño. Bou di liderato di e ganado di Top Chef y e visionario tras di Stubborn Seed na Miami cu dos strea Michelin, Chef Ford ta prepara pa redefini loke ta nifika pa come den paraíso.

Dos Strea ta Uni pa Crea un Constelacion Culinario Nobo Chef Jeremy Ford no ta solamente conoci pa su platonan unico y expresivo, pero tambe pa su compromiso firme cu sostenibilidad. Su restaurant na Miami, Stubborn Seed, a ricibi tanto un Strea Michelin pa excelencia culinario como un prestigioso Strea Berde pa sostenibilidad—un distincion otorga na restaurantnan cu ta demostra practicanan medioambiental sobresaliente, manera uzo di ingredientenan local, reduccion di desecho, y promocion di biodiversidad.

Central den e enfoke sostenibel di Ford ta Ford's Farm, un finca organico di 5.5 acre na Homestead, Florida. E proyecto hands-on aki ta dune e oportunidad pa

cultiva un variedad di producto, for di berdura vibrante te na yerbanan aromatico, asegurando un conceccion directo entre tera y plato. Door di integra e ingredientenan creci na e finca mes den su menu, Chef Ford no ta solamente garantisa frescura, sino tambe ta refleha un compromiso medioambiental y innovativo den e mundo culinario.

E dedicacion profundo na sostenibilidad y excelencia ta loke ta haci e colaboracion entre Terra by Jeremy Ford y Bucuti & Tara Beach Resort, e prome y unico resort certifica carbon-neutral den Caribe y un di e Top 25 Miho Hotelnan na Mundo riba Tripadvisor, un union berdaderamente perfecto. Hunto, nan ta demonstra cu sostenibilidad y luho no ta exclui otro, pero mas bien por eleva otro. Funda riba balornan comparti, pensamentonan visionario, y respet profundo pa nos planeta, e colaboracion aki ta representa e standard nobo di hospitalidad—un caminda experiencianan excepcional ta bai man den man cu iniciativanan medioambiental cu tin significado.

Gastronomia Refina, Eleva y Natural Terra by Jeremy Ford lo ta un fine dining restaurant exclusivo, intimo y eleva, cu un menu cuidadosamente diseña

cu platonan unico, complementa cu un opcion di chef's tasting experience. Cada plato lo resalta tecnicanan culinario innovador, presentacionnan impactante, y sabornan vibrante inspira pa e temporada. Chef Ford lo personalmente selecciona ingredientenan excepcional haya localmente na Aruba, of for di su mes un finca organico na Florida, pa garantisa frescura y creatividad pa cada plato. Cu un servicio altamente personalisa y atencion meticuloso pa detaye, Terra ta promote pa brinda un experiencia culinario sofisticada, caminda excelencia y un respeto genuino pa naturalesa ta uni den un experiencia gastronomico inolvidabel.

Traha cu nos isla, y pa nos Isla Loke ta mas emocionante ta cu Terra no ta un concepto importa; e ta un vision culinario unico den su clase, crea cu Aruba y pa Aruba, cu colaboracion cu chefnan, agricultornan, y artisanonan local. Chef Jeremy Ford ta desaroyando e restaurant aki hunto cu su socionan local, Maurice y Karim Neme, tercera generacion di pioneronan di hospitalidad na Aruba cu ta forma un parti integral di e legado turistico di Aruba. E aportacionnan duradero di famia Neme den hospitalidad y cultura na Aruba ta yuda forma e identidad di Aruba como un destinacion premier. Hunto, nan ta creando un experiencia culinario cu no solamente ta pone na muestra e maestria Michelin di Ford, pero tambe ta sinceramente celebra e sabor, cultura, comunidad y medioambiente di nos isla. Terra lo ta un homenahe na Aruba mes—un experiencia gastronomico cu ta resalta loke ta local y autentico, honrando e tera y e comunidad cu ta haci esaki



posibel.

Elevando Aruba su Reputacion Culinario Globalmente Bucuti & Tara Beach Resort a pone Aruba riba e tarima mundial hopi tempo pasa cu su hospitalidad renombra y esfuersonan pionero den sostenibilidad. Awor, cu e yegada di Terra by Jeremy Ford, esey ta bai un paso mas leu, transformando e isla den un destinacion culinario reconoci mundialmente.

Door di uni e legado celebra di Bucuti cu e arte culinario premia di Chef Ford, Terra lo amplifica e reputacion global di Aruba den gastronomia, estableciendo un estandar nobo pa innovacion, excelencia, y sostenibilidad den fine dining.

Pa haya sa mas, bishita terraaruba.com of bucuti.com.

IMAGES & VIDEOS

Images located in this Google Drive Folder and general resort images in this private media gallery.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

Desaroyando basketball den e islanan di Reino Hulandes

A REUNI CU MARTIN HO SUIE SANG

DI “NEDERLANDSE BASKETBALL BOND”

Recien a reuni hunto cu miembronan di Aruba Basketball Bond (ABB) y Sr. Martin Ho Suie Sang, cu ta representante di “Nederlandse Basketball Bond”(NBB). Martin su rol dentro di NBB ta di “program manager” pa loketa trata 3x3 basketball. Esaki ta un disciplina di basketball cu recien a crece hopi rond di mundo, unda Aruba a participa cu un ekipo di hoben na Juegos Suramericanos de la Juventud de 2022 na Rosario, Argentina. Durante e reunion na COA Martin a elabora riba e proyecto cu NBB a cuminsa cune, unda ta bishita tur isla dentro di e Reunion Hulandes, pa asina mira e desaroyo actual y unda lo por yuda pa cu basketball 3x3. Den caso di Aruba, ta mira potencial den basketball, cu un federacion den proceso di kier mehora nan nivel, unda por ehempel presidente interino Sra. Russel ta sigi curso di FIBA cu



yama “ADELANTE” cu ta enfoca riba e damas nan den basketball. COA ta mira e colaboracion entre ABB y NBB como algo hopi positivo, y lo percura pa ayuda ABB unda posibel den cuadro di capacitacion y consehonan na nivel di maneho y tecnico. #TEAMARU

Clasificados










SOLODIPUEBLO@GMAIL.COM

CEL.585 9500



Paga bo cuenta online ta facil

Sea
Abonnement
of Aviso



Pago online,
facil y lihe

**Pa hasi pago online pone number y adres na
cuenta di banco RBC Sunmax Printing
account # 7700000100152447**

Partido MEP:
Parlamentario Evelyn Wever-Croes

FRACCION DI MEP CU BISHITA NA STICHTING HUNTO

“Cada hende merece un oportunidad nobo pa asina logra cosnan grandi den nan bida, y ta via Stichting Hunto nos por yega na tur esnan cu ya no ta mira un speransa”

ORANJESTAD – Manera ta conoci e tema di salud mental y adiccion ta un problema grandi na Aruba. P’esey durante gobernacion di Gabinete Wever-Croes a pone hopi atencion na esaki, y a yuda pa asina crea Stichting Hunto, na unda tur e stakeholdersnan y profesionalnan riba e tema di adiccion y salud mental ta traha hunto.

Mirando e importancia di e tema aki, Parlamentario Evelyn Wever-Croes hunto cu coleganan Parlamentario Rocco Tjon y Endy Croes a reuni cu

luna. Tin hopi mas trabou pa haci pero danki na ayudo di Gabinete Wever-Croes e fundeshi ya ta poni pa asina nan por cumpli cu nan trabounan debidamente.

Parlamentario Wever-Croes a indica cu Stichting Hunto tambe a informan di e planesnan pa futuro cu ta ensera con pa yuda e adictonan cu ta biba riba caya, estimulando nan pa asina busca e debido ayudo. Un di e proyectonan cu nan tin pa cu esaki ta pa bin cu un unidad mobil na unda representantenan



Stichting Hunto pa asina haya un “update” di e trabounan cu tin andando. Stichting Hunto a informa cu nan tin un total di entre 1500 pa 2000 cliente cu ta wordo yuda di cual 300 ta mucha. Cu un total di 64 profesionalnan a logra baha e lista y tempo di espera te na 3

di Stichting Hunto mes lo yega serca e adictonan aki, pa asina duna nan e oportunidad di tuma un baño, laba nan pañanan, haya cuminda, y ofrece nan ayudo y conseho na e momento ey.

“Na fin di dia ta importante pa corda riba

tur ciudadano di pais Aruba y nan famianan. E trabou cu Stichting Hunto ta haci ta di suma importancia y nos di fraccion di MEP ta spera cu e gobierno nobo sigui sostene nan. Cada hende merece un oportunidad nobo pa asina logra cosnan grandi den nan bida, y ta via Stichting

Hunto nos por yega na tur esnan cu ya no ta mira un speransa” Parlamentario Wever-Croes a expresa.



PEN BEK

Pa kualkier informacion
solodipueblo@gmail.com
of
☎ 585-9500

LIMPIESA DI COSTA PA HONRA DIA DI TERA



Oranjestad, Aruba – Den conmemoracion di Dia di Tera, Bucuti & Tara Beach Resort, den coordinacion cu Aruba Conservation Foundation y cu participacion di miembronan di AHATA su Comité di Medio Ambiente, a organiza un limpieza di costa exitoso. E evento aki a uni mas di

120 boluntario di varios compania di e sector turistico pa asina demonstra nan compromiso pa cuida nos medio ambiente.

E grupo di boluntario a traha hunto, patras di Tierra Del Sol, pa haci e area aki limpi y yuda preserva e bunita naturalesa di Aruba. E siguiente organisacionnan a tuma parti den e evento: Bucuti & Tara Beach Resort, Amsterdam Manor Beach Resort, JOIA by Iberostar Aruba, Aruba Marriott Complex, Boardwalk Hotel, Aruba Airport Authority, De Palm Corporation, Aruba Conservation Foundation, y Aruba Hotel & Tourism Association (AHATA)

AHATA su Comité di Medio Ambiente ta desea di gradici Bucuti y ACF pa organisa evento aki, y tambe na tur boluntario y companianan participante pa nan dedicacion y esfuerso. Uni, nos por logra un Aruba mas limpi y sostenibel.

Dia di Tera, celebra tur aña riba 22 di April, ta un oportunidad global pa reflehá riba nos relacion cu mama Tera y pa stimula accion positivo pa proteha medioambiente.

Ta un recordatorio importante cu cada hende tin un rol den conservacion di nos Tera, pa nos mes y pa nos futuro generacionnan.



MINISTER GEOFFREY WEVER TA AVANSA CU REUNIONNAN STRATEGICO NA WASHINGTON D.C.

Washington D.C., 22 di april 2025 – Minister di Finansa, Economia y Sector Primario, Geoffrey Wever, acompaña pa Minister Plenipotenciario na Washington D.C., Sra. Zulema Erasmus-Dabian, director di Departamento di Asunto Economico, Sra. Maria Dijkhoff-Pita y representante di Departamento di Finansa, Sr. Louis Paris y Sra. Emelien Kelly, ta participando na e IMF Spring meetings cu ta tumando lugar na Washington D.C. di 22 pa 25 di april.

E prome reunion tabata un presentacion di “Demystifying the World Bank” unda a splica e diferente tipo di productonan y asistencia cu tin disponibel y a duna un splicacion di e cinco (5) institucionnan di e World Bank Group. Aruba, door di ta parti di Reino Hulandes, no ta ricibi fondo di World Bank, pero si por haci uzo di e asistencia tecnico cu nan ta ofrece riba diferente tereno a base di un acuerdo di pago.

E di dos reunion tabata un encuentro cu e Executive Director di World Bank, Sr. Eugene Rhuggenaath, pa elabora mas riba e diferente productonan y asistencia tecnico cu e World Bank por ofrece. A tuma luga un dialogo habri riba e desafio cu

Aruba ta enfrenta como pais autonomo den Reino, particularmente den acceso na fondo y asistencia tecnico. Minister Wever a gradici Sr. Rhuggenaath pa su disponibilidad pa pensa hunto cu e islanan den region y explora manera pa amplia uzo di e recurso cu e World Bank tin disponibel.

Mas durante e dia, Minister Wever a reuni tambe cu Sr. Matthew Byrne, Director di CARTAC (Caribbean Regional Technical Assistance Centre) y Sra. Priyanka Chaturvedi di IMF su division di Global Partnerships. A trata e portfolio di trabou realiza cu Aruba y a identifica areanan pa futuro colaboracion, incluyendo maneho presupuestario, fortaleza di institucionnan fiscal y desaroyo di capacidad local. Tambe a papia di asistencia tecnico den cuadro di Climate Change Risk Financing, un topico cu tin hopi atencion den organizacionnan internacional y di Hulanda.

Tambe a reuni cu varios representantenan di Hulanda na World Bank y IMF cu kendenan a entercambia informacion valioso pa sigui cu un bon cooperacion cu World Bank, IMF y Hulanda.

“E tipo di colaboracion tecnico y institucional



cu World Bank, IMF y CARTAC ta ofrece ta crucial pa Aruba su sostenibilidad fiscal y desaroyo economico”, segun Minister Wever.

Minister Wever a inicia tambe cu reunionnan cu instancianan financiero y lo sigui e trayecto cu encuentronan importante den e dianan binidero,

incluyendo banconan internacional y agencia di “credit rating”, pa representa Aruba su interes den un manera proactivo y strategico.

BAHUL SALE



Fecha: 4 mei 2025

Ora: 10:00 AM - 5:00 PM

Lugar: Centro Deportivo Simeon Antonio

Pa informacion of reserva bo spot:

- **Jama: 588-9999**
- **Whatsapp: 594-0919**
- **AWG 25,-pa 1 parkeer spot**
- **Parkeer spot ta limita**



ACF Y BAN LANTA Y PLANTA TA DUNA BEK NA NATURALES RIBA DIA DI MAMA TERA

En conexion cu celebracion di Dia di Mama Tera, ACF, BLyP y boluntarionan ta bini hunto pa planta matanan di mangel na Spaans Lagoen.

ORANJESTAD, ARUBA – 22 APRIL 2025 – Aruba Conservation Foundation (ACF) como un organisacion independiente di maneho di conservacion, y Ban Lanta y Planta (BLyP) como un organisacion dedica na planta matanan nativo pa restaura Aruba su sistema ecologico, ta bini hunto pa sigui contribui na mehoracion di Aruba su naturalesa en celebracion di Dia di Mama Tera. Como parti di e colaboracion akinan, empleadonan y boluntarionan di ACF y BLyP a bini hunto pa un actividad chikito pa asina comparti conocimiento y duna bek na mama tera cu plantamento di 28 mata di mangel cu a wordo cria door di ACF y BLyP mes. E ocasion significativa aki a wordo inicia cu participacion activo di Prome Minister Mike Eman, hunto cu Director di Directie Natuur & Milieu, Gisbert Boekhoudt. Akinan e team a demonstra henter e proceso di germinacion di e matanan di mangel. Awo lo evalua e sobrevivencia den naturalesa pa asina sigui siña y mehora e proceso di propaga y cria ambos mata na terenonan dedica, y despues planta bek den naturalesa pa asina por cuminsa restaura areanan degrada di biodiversidad di flora nativo.

Ki tipo di Mangel lo wordo planta y pakico? Un total di 28 mata di mangel a wordo planta consistiendo di dos diferente especie di mangel cu ta e *Avicennia*

germinans, conoci como e Mangel Preto y e *Conocarpus erectus*, conoci manera e Fofoti. E Mangel Preto, ta crece normalmente na canto di saliña y asta den awanan di saliña, pero e ta prefera un habitat un poco mas seco door cu tin biaha ta dicifil p e paor haya oxigeno ora cu e tera ta mane klei of si e ta bou di awa. E solucion pa e problema aki ta pa forma varios raiznan di aire yama pneumatophores, cu ta laga e mangel crece bay laira manera dede largo of mane snorkel. E Mangel Preto por wordo reconoci pa e rastro di salo cu por wordo encontra riba su blachinan.

E Fofoti ta Aruba su mata iconico cu ta tolera un gran cantidad di salinidad, pero cu ta prefera di crece na rand di saliña of mas paden di canto den areanan mas halto y seco compara cu e Mangel Preto.

Pakico e especie di mangelnan akinna?

ACF hunto cu Ban Lanta y Planta ta experimentando cu e germinacion di e matanan di mangel y crecimiento optimal di tur especie di mangel cu por wordo encontra na Aruba. Esaki ta wordo haci cu e meta di optimalisa e oportunidadnan pa planta mas mangelnan den futuro. Tawata tin e bunita suerte di tempo, cu e mangelnan jong tawata cla pa wordo planta ariba Dia di Mama Tera, iniciando e prome parti di e colaboracion akinan.

Dicon na Spaans Lagoen E 28 mangelnan akinan a wordo planta den area



protegi di Spaans Lagoen, den luganan cu a wordo identifica como apropia pa e especienan akinan cu na e momentonan akinan ta wordo restaura como parti di e proyecto fundado pa Union Europeo su Programa di RESEMBID, 'Turning the Tide'. E mangelnan planta lo wordo monitorea den e proximo lunanan pa crecimiento y sobrevivencia. Ta importante pa nota cu restauracion di Mangel no ta solamente nifica plantamento di mangel nobo. Como parti di e proyecto piloto 'Turning the Tide', analisis a revela cu restauracion di condicionan ambiental mester wordo drecha manera e fluho di awa. Como parto di e proyecto, na e momentonan akinan canalnan ta wordo restaura na Spaans Lagoen pa asina e mangelnan den e area akinan por crece saludabel. E meta ta pa un dia e sistema ecologico por restaura su mes sin cu mester planta mangel.

Kico cada persona por haci pa contribui na e salud di Aruba su Mondinan di Mangel?

Rond mundo, mangelnan

ta bou menasa, y na Aruba, casi 90% di e isla su mangelnan ya a desaparece den e ultimo decada. Desde 2017, tur especie di mangel na Aruba ta proteha pa ley (AB 2017 no. 48) y internacionalmente tambe bou SPAW protocol annex III.

Ta importante pa comunidad comprende cu mangelnan ta hunga un rol crucial como habitat pa bestianan chikito manera e kreef, piscanan chikito, pero tambe como area unda cu pisca y cabaron por come. Adicionalmente, nan ta habitatnan importante pa parha y otro bestianan por pone nan neishi. E blachinan di mangel cu ta cai ta provee cuminda pa bestianan manera e crab, oester y mucho mas cu na nan turno ta provee cuminda pa miyones di hende. Mangelnan tambe ta filtra e awa cu ta bin di tera pa drenta lama, asina strobando e yerbenan di lama y e rifnan di coral di yena cu santo causa pa erosion. Por ultimo, e mangelnan ta duna proteccion costal den temporada di tormenta. Ta importante pa respeta

e mondinan di mangel. No corta ni kita mangel, tampoco tira sushi den e mangelnan. Tene un distancia respetoso y duna e mangelnan nan espacio pa hunga e rol importante cu nan tin den naturalesa.

ACF y BLyP ta comprometi na e restauracion di Aruba su naturalesa cu matanan nativo pa duna sosten na biodiversidad y resiliencia climatico.

Die mangelnan jong planta riba Dia di Mama Tera, ta spera di por siña con pa planta mas mangelnan den futuro pa engrandece restauracion natural. Pa conoce e matanan di mangel mas di cerca, por pasa bishita e Green house di ACF localisa na San Fuego 70, of por pasa na e cuna di mata di Ban Lanta y Planta na Paraguana na Noord.

Pa mas informacion por tuma contacto cu Aruba Conservation Foundation na info@acf.aw of por bishita paginan social Facebook of Instagram of por tuma contacto cu Ban Lanta y Planta na banlantayplanta@gmail.com.

MINISTER GEOFFREY WEVER NA REUNION MINISTERIAL DI WESTERN HEMISPHERE DEPARTMENT



Washington D.C., 23 di april 2025 – Minister di Finansa, Economia y Sector Primario, Geoffrey Wever, hunto cu tur ministernan di finansa di Caribe y presidentenan di e diferente Banconan Central a participa na e reunion ministerial di Western Hemisphere Department unda cu IMF a duna un relato riba e desaroyonan mas reciente y e outlook pa economia di Merca. Entre nan, presidente di Banco Central di Aruba, señora Jane Semeleer, tambe tabata presente.

E impacto de e outlook di Merca ta importante pa e outlook pa Caribe pa 2025 y tambe pa Aruba. CARTAC a presenta e riesgonan y vulnerabilidadnan cu Caribe lo por confronta durante 2025. Aki a haci enfasis riba e necesidad pa Caribe sigui cu e reformanan structural cu nan ta haciendo caba y tene nan finanza publico na ordo, wardando con e desaroyonan lo sigui. IMF ta premira riesgo pa Caribe, pero ta recomenda pa keda calmo.

Caribe, en general, a muestra di ta resiliente despues di COVID y mester sigui traha pa crea e espacio fiscal y enfoca riba un integracion regional. Berdad cu tin tension halto door di incertidumbre riba e desafionan cu e medidanan di tarifa ta trece cu ne, y cu tin tension politico tambe cual ta aumenta e presionan fiscal. IMF lo sigui sostene Caribe y duna asistencia tecnico pa fortalece a capacidad di Caribe pa responde na e incertidumbrenan.

IMF a adapta e proyeccion di e crecimiento economico mundial di 3.3 porciento na 2025 (final di 2024) pa un crecimiento di 2.8 porciento na 2025 (januari 2024). Mientrastanto, IMF tambe a adapta e projecion pa Merca di 2.7 porciento pa 1.8 porciento. CARTAC a indica cu den Caribe ta premira cu e crecimiento economico na 2025 lo ta di 2 porciento. Tambe IMF a informa e ministernan cu un caida di 1 porciento den crecimiento economico na

Merca lo representa un caida den crecimiento den Caribe di 1.5 porciento.

Paisnan di Caribe avocifera nan preocupacion pa e efecto riba turismo y inflacion cu e aumento di tarifa y consecuentemente e efectonan di reduccion di crecimiento economico na Merca lo por tin pa nan, debi na e dependencia di turismo Mericano. Tambe e efecto cu e tarifanan lo por tin den Caribe door di importacion di productonan di Merca y productonan cu ta bin Caribe via Merca.

A pidi IMF pa duna asistencia pa realiza un analisis riba e situacion logistico e.o. pa identifica otro puertonan cu lo por wordo uza como hub pa Caribe.

Tambe a surgi e preocupacion pa e tema di Climate Change Risk Finance, cual no ta un tema cu tin e mesun atencion mas den ambito politico na Merca, pero si cu pa un grupo grandi di isla den Caribe e ta un situacion di emergencia.

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

FORTALEZA PA FAMILIA

Scirbi pa Pastor Marcel Balootje.

NO BROMA CU SABIDURIA DI MUNDO Y BISA TA DI DIOS

Bijbel ta spierta nos di hende cu ta cana rond bisando Senjor a bisa, y Senjor a bisa, y caba Senjor no a bisa nan nada, ta nan mes kier halsa nan mes of hunga interesante, y tin biaha hasta confundi hende cu no tin masha conocemento di e palabra di Dios.

Tur hende mester sinja esaki, cada biaha cu un hende bisa Senjor a bisa, e persona cu ta papia, mester duna referencia biblico, pasobra tur locual Senjor papia E ta referencia den su Santo Palabra.

Tin cosnan cu hende ta papia como tradicion cu ningun caminda ta aparece den Bijbel ,cosnan cu hende mes a traha, palabranan y dichonan ,sin ningun rais biblico.

Hende ta bisa cu nan ta sabi, pero nan sabiduria ta puro terenal, yena cu triki, corrupcion, mentira, idolatria y hasta inmoralidad. Un sabiduria cu semper ta duna nan bentaha riba nan prohimo, un sabiduria cu ta funciona na nan propio interes solamente.

Den e buki di Santiago of Jacobo den capitulo 1 Palabra di Dios ta bisa cla , cu si un hende tin mester di sabiduria lage pidi Dios, kende ta duna na tur hende generosamente y sin reproche, esey ta nifica cu cerca Dios tin sabiduria pa nos tur, no tin mester di envidia otro.

Dios a haci esaki pasobra e sa cu satanas tambe ta ofrece su sabiduria diabolico na hende, y hopi ta bay tras di enganjo di scuridad cu na final ta hiba na perdicion y morto eterno.

Ta algo hopi serio y necesario den nos bida, locual ta e sabiduria di Dios, pasobra ora nos aplica e sabiduria di Dios ningun hende no ta sali perhudica.

Sabiduria di Dios semper ta wordo demostra cu bon conducta.

Pasobra na prome lugar e sabiduria di Dios ta: puro, despues pasifico. Suave, rasonabel, yen di misericordia, y bon fruta, imparcial, sin hipocrecia , y e simia cual su fruta ta husticia, ta wordo sembra den pas door di esnan cu ta haci pas.(Santiago 3;17-18).

Esey ta nifica cu nos no por ta haci malo cu hende, cu un curason yena cu vengansa, y falta di pordon y kere cu nos ta practicando sabiduria di Dios.

E sabiduria di mundo ta yena cu arogancia, egoismo, envidia amargo, y asina ta ganja contra e berdad. E sabiduria aki no ta baha bini for di ariba, ma e ta terenal, natural, diabolico. Pasobra caminda ta existi, envidia y egoismo, tin desorden y tur sorto di cos malo.(Santiago 3;13-16).

For di Bijbel nos por conclui cu ta existi 7 pilar di disciplina y sabiduria.

Confiansa den Dios: (Proverbionan 3:5) Confia den Senjor cu henter bo curason y no depende riba bo mes comprendemento.

Integridad : (Proverbionan 10:9) Esun cu cana den rectitud lo cana confiadamente, ma esun cu perverti su camindanan lo wordo descubri.

Puresa : (Proverbionan 2:20) Asina lo bo cana den e caminda di e bon hende, y permanece riba e berehanan di e hustunan.

Generosidad : (Proverbionan 11:25) E hende generoso lo prospera, y esun cu duna di bebe tambe lo hanja di bebe.



Diligencia ; (Proverbionan 6:6-8). Bay wak vruminga abo floho, observa su maneranan y sea sabi, e no tin hefe, ni capitan , ni gobernante, tog e ta prepara su cuminda den zomer, y ta recohe su provision den tempo di cosecha.

Palabra di sabiduria: (Proverbionan 12:18) Tin hende ta

papia sin pensa manera hinca di spada, ma lenga di hende sabi ta trece curamento.

Bon consejo : (Proverbionan 27:9) Unguento y perfume ta haci curason contento, mescos cu dulsura di consejo, cu ta sali for di curason di un amigo, ta haci.

Sinceramente Pastor Marcel Balootje.

HACI PAGO DI ABONEMENT ONLINE

TA POSIBEL:

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

DI ANTEMANO,
MASHA DANKI.

SOLO DI PUEBLO



Fraccion di PPA na Minister Dowers

KON A PARA CU E BODYCAM Y DASHCAM NAN
PA CUERPO POLICIAL

Mocion unanime den Parlamento a existi esaki y mas necesidadnan pa pueblo su seguridad

Como miembro di Parlamento di Aruba y lider di fraccion di PPA, señor Otmar Oduber, via nos Presidente di Parlamento, a bolbe haci preguntanan na su excelencia sr. Arthur Dowers, Minister di Husticia, Integracion y Transporte Publico. Esaki basa riba Constitucion di Aruba articulo III.17 y Reglamento di Ordo di Parlamento articulo 59. “No obstante e hecho Ministerio Publico a declara cu lo bay persigui e dos polisnan den e caso tristo di Ayden Lanoy (dfm), nos di fraccion di PPA tin pregunta tocante e status di investigacion pa mira con por accelera esaki, mirando cu ainda tin hopi interrogativo ariba e proceso hiba”, asina e miembro di Parlamento a pone den su carta dirigi na e titular di husticia. Ademá haci un serie di pregunta tocante inversionnan importante den Cuerpo Policial di Aruba. E miembro di parlamento ta desea di ricibi e contestanan mas pronto posibel sea, verbalmente durante e siguiente "vragenuur" of por escrito.

Landsrecherche cu ta un organo independiente bou di liderazgo di Ministerio Publico ta haviendo dicho investigacion, pero esaki den opinion di pueblo y varios representante di pueblo, ta durando demasiado tempo. Nos sa cu cada miembro di KPA tin un autoridad di discrecion "discretionaire bevoegdheid" caminda e tin e espacio pa dicidi ki ora, den ki situacion y con pa actua. Ademá, alto mando di KPA tambe mester sa kico mester haci despues cu e incidente tuma luga ora di p.e. uzo di arma of un hende a fayece. Cu KPA (korpchef) tin 24 ora pa entrega un rapport di e sucedido na fiscal (officier van justitie). Esaki

ta conforme articulo 38 y 50 di e Landsbesluit ambts- en geweldsinstructie politie. Si tene cuenta cu caso lamentabel aki cu a conmove henter Aruba y tin duda den e proceso di investigacion, lo ta bon pa su excelencia hiba combersacionnan necesario cu Ministerio Publico pa nan por accelera e proceso di investigacion. Pa mas pronto posibel pueblo y specialmente famia di Ayden Lanoy (dfm) haya mas claridad riba e proceso y resultado di e investigacion y pa e famia por sigui cu nan proceso di luto adecuadamente. Tambe Oduber ta indica cu hunto nos por sigui traha na e confiansa cu KPA merece y cu ta hopi importante pa orden publico.

Varios pregunta a keda haci na Minister di husticia y ta spera cu den e luz di transparencia por haña contesta


- Pa ki tempo Ministerio Publico lo tin e resultado y conclusion di e investigacion cla?
- Minister por confirma si ta berdad cu unicamente un agente ta haya training pa uzo di arma ora e caba estudio (opleiding) y prome cu e cuminsa traha?
- Si ta asina: kico ta e plan pa e agentenan, specialmente esnan cu ta duna servicio publico "straatdienst", regularmente sigui haya nan training debido pa uzo di arma-reglamentario?
- Si no ta asina: Cu ki regularidad e training, na e agentenan cu ta duna servicio publico "straatdienst", pa uzo di arma reglamentario, ta tuma luga?

Den un reunion publico a compronde di minister di husticia cu tin un proyecto piloto pa loke ta "bodycam" y no "dashcam". Sinembargo no











tin mas informacion tocante e resultado di e proyecto aki. Cu gabinete actual lo inverti den e.o. e implementacion di e "bodycam y dashcam".
- Si ta berdad cu lo inverti den KPA pa e.o. implementacion di "bodycam y dashcam"
- kico ta e suma cu lo inverti y pa ki tempo lo inverti den esaki?
- Tur proyecto tin un inicio y un fin y kier logra cierto metanan: Minister por compati e informacion di e proyecto piloto pa loke ta trata "bodycam"?
- Si e proyecto aki a yega na su final of ta den proceso ainda, kico ta e resultado (preliminar) di e proyecto piloto, pues uzo di "bodycam" te awo?
- Kico ta retonan cu a detecta durante e proyecto piloto pa implementa uzo di "bodycam y dashcam"?
- Kico gobierno ta haci of lo bay haci pa atende cu e retonan cu a detecta den e proyecto piloto?
- Si un di e retonan ta cambio di ley pa uzo di e "bodycam" pa loke ta trata e.o. ley di privacidad: Kico gobierno ta haci pa traha riba dicho ley?
- Con lo tene cuenta cu e cambionan di ley pa uzo di "bodycam y dashcam" por ta efectivo?
- Si e proyecto piloto aki no a finalisa ainda: Ki dia esaki ta yega na su final?
- Ki tempo y con lo implementa uzo di "bodycam" pero tambe uzo di "dashcam" pa
- henter cuerpo policial?
- Por a compronde for di minister di husticia den e reunion publico di 4 di maart 2025, cu cualkier pregunta cu mando di cuerpo policial di KPA haya cu tin di haber cu salud mental di un miembro di e cuerpo, nan mester atende cu esaki debidamente. Sinembargo nos a compronde pa medio di Sindicato pa Polis Arubano (SPA) cu KPA no tin un psicologo den servicio.

- Ademá cu for di aña pasa tin un proyecto di salud mental den KPA cu a wordo aproba. KPA ta implementa un programa di salud mental pa tur miembro di KPA. Cu e programa ta encera ehercicio, training y combersacion cu miembronan di KPA y e ayudo necesario cu ta brinda na nan.
- Kico específicamente e programa di salud mental pa tur miembro di KPA ta encera?
- Despues di un aña ta duna e programa aki: Kico ta e resultado di e programa di salud mental pa tur miembro di KPA
- Kico ta e retonan cu KPA ta encontra den ehecuion di e programa di salud mental?
- Si KPA ta confronta retonan, con minister ta yuda KPA pa mitiga e retonan pa e programa por ta efectivo?
- Un psicologo na servicio di KPA ta importante y lo por yuda e programa di salud mental: Kico ta haci pa KPA por haya un psicologo den servicio di KPA?

- Pa ki dia minister por garantisa cu KPA lo tin un psicologo den servicio?
- Segun e carta di SPA' a stop cu e "Colegiale Ondersteuningsgroep": Dicon a stop e?
- Minister tin pensa pa reactiva e "Colegiale Ondersteuningsgroep"?
- Dia 6 di maart 2025, como reaccion riba mocion di fraccion di PPA sosteni pa tur otro fraccion, Parlamento di Aruba a ricibi un carta di SPA'. SPA ta sostene e pensamiento pa implementa test di droga riba e miembronan di KPA cu ta den servicio permanente pero tambe ta di opinion cu mester haci esaki mas amplio den e aparato gubernamental y Parlamento di Aruba.
- Kico ta minister su pensamiento tocante test di droga riba e miembronan di KPA?
- Kico ta e pasanan cu gobierno lo tuma pa test di droga den KPA bira un realidad?



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - April 23, 2025

 <p>Sorteo # 4601</p> <p>0863</p> <p>3690</p> <p>4437</p> <p>MULTI-X</p> <p>FP</p> <p>BIG 4</p> <p>Sorteo # 4601</p> <p>6916</p> <p>MULTI-X</p> <p>X2</p> <p>10FF</p> <p>Sorteo # 2657</p> <p>1072</p> <p>ZODIAC</p> <p>Sorteo # 4601</p> <p>5727</p> <p>Geminis</p> <p>LUCKY 3</p> <p>Sorteo # 1475</p> <p>586</p> <p>MULTI-X</p> <p>X3</p>	 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<p>Joker</p> <p>Letter</p> <p>Proximo Jackpot</p> <p>360.000,-</p>	 <p>Sorteo #</p> <p>0 x Jackpot</p> <p>0 x Match 4</p> <p>0 x Afl. 8,00</p>	<p>Proximo Jackpot</p> <p>54.000,-</p>	 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p>	<p>Mega Ball</p> <p>Proximo Jackpot</p> <p>260.000,-</p> <p>Afl. 360.000,-</p>	 <p>Sorteo #</p>	
 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<p>Joker</p> <p>Letter</p> <p>Proximo Jackpot</p> <p>360.000,-</p>							
 <p>Sorteo #</p> <p>0 x Jackpot</p> <p>0 x Match 4</p> <p>0 x Afl. 8,00</p>	<p>Proximo Jackpot</p> <p>54.000,-</p>							
 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p>	<p>Mega Ball</p> <p>Proximo Jackpot</p> <p>260.000,-</p> <p>Afl. 360.000,-</p>							
 <p>Sorteo #</p>	